



- 8 AUG. 2018

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

Inatsisartuni ilaasortaq Sara Olsvig
Inuit Ataqaqtiit
Maani.

**Kommune Kujallermi akiitsulinnik siunnersuinnermut suliniut pillugu § 37
naapertorlugu apeqquteqaammut 2018-179-imut akissuteqaat**

Allakkat ulluat: 01-08-2018
Suliap nr. 2017 - 7319
Akt id. 8363665

Asasara Sara Olsvig,

Kommune Kujallermi akiitsulinnik siunnersuinnermut suliniut pillugu Inatsisartut
suleriaasianni § 37 naapertorlugu apeqquteqaat nr. 2018-179 Naalakkersuisunut
apeqquteqaatigaat.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Apeqquitiit taakkunungalu akissutit tulliuuttuni allasimapput:

**1. Kommune Kujalliup, INI A/S-p Naalakkersuisullu suleqatigiissutigisaat
innuttaasunik akiitsulinnik siunnersuinikkut ineqarnermut akiitsunik
akilersuilernissamik siunertalik qanoq ingerlava?**

Inatsisartut aalajangiinerat tunngavigalugu 2017-imi Kommune Kujallermi akiitsulinnik
siunnersuisarneq pillugu ukiuni marlunni misiluitaasumik suliniut pilersinneqarpoq.
Suliniutip malitsigisaanik Ini A/S ilaatigut kommunit allat suleqatigalugit akiitsulinnik
siunnersuisartoqatigiinnik, toqqaannarnerujussuarmik ornigullunilu inunnu/ilaqutariinnut
ineqarnermut akiliummik akilinngitsuukkanik akiitsoqartunut attaveqalersitsisussanik,
pilertsitsisoqarpoq.

Siunnersuinnermi kallarnerqartuni taamaallaat ineqarnermut akiliummut
akilinngitsuukkanik akiitsoqarnerit tikineqartassanngillat, kisianni akilinngitsuukkanik
akiitsoqartunut taakkunungu tunngatillugu atituumik aallaaveqartoqartassalluni.

INI A/S-ip ilanngullugu innuttaasut aannagaarniutinik pinngitsuuisinnaanngitsut Allorfik
Kujallermi katsorsarneqartut, aningaasaqarnermut siunnersuisartunut
innersuunneqarnissaq pillugu neqeroorfigineqarsinnaasut, Allorfik suleqatigisimavaa.

Taamaalliluni akiitsulinnik siunnersuisarnermik suliniummi siunertaavoq kommuni
suleqatigalugu aaqqiissutissanik, ataasiakkaat inigisaminniiginnarsinnaanissaannik
qulakkeerisinnaasunik, aammattaarli kommunimut akilinngitsuukkanik
akiitsoqarnermini ajornartorsiuutimik immaqalu aamma allat naleqquttumik
annertussusilimmik akuliussinnaanerisa anigorsinnaanissaannik aqutissiuussinissaq.
Akiliisinnaasuseqartillugit, ineqarnermut akiliutip akilernissaanut
kajumissuseqalersitsisoqarsinnaassaaq, taamaalliluni anisitsinerit sapinngisamik
annertunerpaamik pinngitsoortinneqassallutik.

**2. Misileraalluni ingerlatsinermi suut anguneqarpat, innuttaasut
siunnersorneqarnermikkut akilersuisalersut qanoq amerlatigippat, suullu
suliniummi iluatsilluartut nalilerneqarpat?**

Suliniuummi misileraataasumi angusat maannamuugallartoq pitsaasuupput. Tamanna takussutissiami matuma kingulianiittumi, 2018-imi qaammatini pingasuni siullermi ingerlaneranut killiffissiuiffiusumi, takuneqarsinnaavoq:


		%
<i>Oqaloqateqarnerit ingerlanneqartut amerlassusaat</i>	422	100
<i>Akiitsut akilinngitsuukkat ingerlaannaq akilerneqartut</i>	113	27
<i>Akiitsut akilinngitsuukkat kingusinnerusukkat akilerneqartussannqortut</i>	78	18
<i>Akiitsut akilinngitsuukkat akilersorneqarnissaat isumaqatigiissutigineqartut</i>	63	15
<i>Attartortut akiliinissamut periarfissaqanngitsut</i>	45	11
<i>Akiitsut akilinngitsuukkat Kommune Kujallermit akilerneqartut</i>	64	29

Akiitsulinnik siunnersuinermit suliniuummi suliat suli annertooujussuupput. Taamaattoq suliniuteqarnerup pitsaasumik sunniuteqarnera taamaaginnassanersoq imaluunniit qaangiuteqqiinnassanersoq, inaarutaasumik naliliiffiginissaa maannakkorpiaq siusippallaarpoq.

Illassutigalugu paasissutissiissutigineqarsinnaavoq, 2018-imi januaarimi Ilulissani ataatsimiinnerminni ilaatigut suliniut oqallisigimmassuk. Tamatuma kingunerisaanik maannamuugallartoq suliniuummi misileraataasumi misilittakkat tunngavigalugit, innuttaasut akilinngitsuukkanik akiitsoqarnermik ajornartorsiuteqartut atituumik aallaavigalugit 2019-imi akiitsulinnik siunnersuinermit suliaqarnerup kommuninut tamaginnut siammarneqarsinnaaneranut tunngatillugu isummernissamut tunngavissiamik suliaqarnissaq Naalackersuisut aamma kommunit tallimat isumaqatigiissutigaat.

Naalackersuisut misilittagarineqalersut tunngavigalugit 2019-imi suliniutip ingerlateqqinneqarnissaanut naatsorsuutigineqartumut erseqqinnerusumik isummissasut naatsorsuutigineqarpoq, taamaalilluni tamanna nuna tamakkerlugu ingerlanneqalersinnaalluni. Tamanna soqutigisaqartut attuumassuteqartut suleqatigalugit pissaaq, ilanngullugit kommunit aamma Ini A/S.

Inussiarnersumik inuulluaqqusillunga



Pele Broberg